



An Bhruiséil, 11 Iúil 2017
(OR. en)

11170/17

EF 162
ECOFIN 638
UEM 230
SURE 29

TORADH NA nIMEACHTAÍ

ó:	Ardrúnaíocht na Comhairle
chuig:	na toscaireachtaí
Ábhar:	Conclúidí ón gComhairle maidir leis an teachtaireacht ón gCoimisiún faoin athbhreithniú meántearma ar an bplean gníomhaíochta maidir le haontas na margaí caipitil (11 Iúil 2017)

Gheobhaidh na toscaireachtaí san Iarscríbhinn a ghabhann leis seo na Conclúidí ón gComhairle i ndáil leis an teachtaireacht ón gCoimisiún faoin athbhreithniú meántearma ar an bplean gníomhaíochta maidir le haontas na margaí caipitil, a ghlac an Chomhairle ag an 3555ú cruinniú a bhí aici ar an 11 Iúil 2017.

Conclúidí ón gComhairle maidir leis an teachtaireacht ón gCoimisiún faoin athbhreithniú meántearma ar an bplean gníomhaíochta maidir le haontas na margaí caipitil

MAIDIR LEIS AN gCOMHAIRLE:

1. MEABHRAÍONN SÍ na conclúidí ón 10 Samhain 2015 i leith phlean gníomhaíochta an Choimisiúin maidir le haontas na margaí caipitil a thógáil¹ a léirigh gur dhíol sásaimh di gur ghlac an Coimisiún an plean gníomhaíochta maidir le haontas na margaí caipitil a thógáil²;
2. IS DÍOL SÁSAIMH DI an teachtaireacht ón gCoimisiún faoin athbhreithniú meántearma ar an bplean gníomhaíochta maidir le haontas na margaí caipitil³ lena bhfiosraítear an dul chun cinn suntasach a rinneadh cheana féin chun na bearta a fógraíodh leis an bplean gníomhaíochta maidir le haontas na margaí caipitil a chur i gcrích agus TUGANN SÍ DÁ hAIRE gur gá treisiú a dhéanamh ar na hiarrachtaí beartais maidir le haontas na margaí caipitil (CMU) a thógáil, ag féachaint d'aontas eacnamaíoch agus airgeadaíochta dea-fheidhmiúil freisin.
3. CUIREANN SÍ I dTREIS go bhfuil CMU ábhartha fós mar thionscadal atá tábhachtach do na Ballstáit uile d'fhonn fás a chothú, poist a chruthú agus an infheistíocht agus an nuálaíocht a chur cinn agus prionsabail na coimhdeachta, na comhréireachta agus na rialála níos fearr á gcomhlíonadh chomh maith le caomhnú na cobhsaíochta airgeadais agus cosaint na n-infheisteoirí atá le hurramú go seasmhach i ngach tionscnamh lena mbaineann;
4. TUGANN SÍ DÁ hAIRE rath na margaí caipitil atá ann cheana féin san Eoraip agus tacaíonn sí leis an gcuspóir go dtógfar CMU ar na forbairtí dearfacha a rinneadh cheana sna margaí seo sna Ballstáit agus TÁ SÍ AG SÚIL le straitéis chuimsitheach ón Aontas a ullmhóidh an Coimisiún maidir leis na bearta a d'fhéadfaí a dhéanamh ag leibhéal an Aontais chun tacú leis an bhforbairt margaidh áitiúil agus réigiúnach ar fud an Aontais;

¹ 13922/15

² 12263/15

³ 10082/17

5. CUIREANN SÍ I dTREIS go bhfuil sí tiomanta d'aontas na margaí caipitil mar a léiríodh, mar shampla, leis na comhaontuithe polaitiúla ar thángthas orthu le déanaí le Parlaimint na hEorpa faoi na rialacháin i dtaca le hurrúsú simplí, trédhearcach, caighdeánaithe agus faoi na cistí caipitil fiontair Eorpacha agus na cistí fiontraíochta sóisialta Eorpacha agus a léiríodh nuair a glacadh an Rialachán maidir le Réamheolairí;
6. MEABHRAÍONN SÍ go dtacaíonn sí le feabhas a chur ar an rogha d'fhoinsí maoinithe atá ar fáil do thioscadail bhonneagair agus do chuideachtaí, go háirithe fiontair bheaga agus mheánmhéide (FBManna) agus do chuideachtaí lárchaipitlithe beaga, ó mhargaí caipitil beaga agus móra sna Ballstáit uile agus go dtacaíonn sí le méadú a chur ar na deiseanna infheistíochta atá ar fáil d'infheisteoirí institiúideacha agus miondíola;
7. TÁ SÍ AG SÚIL LE scrúdú a dhéanamh ar na tograí reachtacha ón gCoimisiún agus ar na gníomhartha tarmligthe a fógraíodh sa teachtaireacht ón gCoimisiún;
8. TACAÍONN SÍ leis go gcuirfear san áireamh na tionscnaimh thosaíochta nua a mhol an Coimisiún a bhfuil sé mar aidhm leo aontas na margaí caipitil a threisiú tuilleadh agus é ag dul i ngleic le dúshlán nua;
9. TÁ SÍ AG SÚIL le plé a dhéanamh ar na tograí ón gCoimisiún le haghaidh leasuithe ar an gcreat i ndáil leis na hÚdaráis Eorpacha Mhaoirseachta;
10. TUGANN SÍ DÁ hAIRE go bhfuil cóineasú maoirseachta agus ról na nÚdarás Eorpach Maoirseachta i ndáil leis sin ábhartha i gcomhthéacs CMU éifeachtach agus margadh airgeadais atá éifeachtach iontaofa ar an iomlán a bhunú san Aontas;
11. TÁ SÍ AG SÚIL leis an togra reachtach atá ar na bacáin maidir leis an láimhseáil stuamachta a dhéantar ar ghnólachtaí infheistíochta lena gcuirfear creat leordhóthanach ar fáil chun aghaidh a thabhairt ar na rioscaí a bhaineann lena ngníomhaíochtaí nuair nach dtugtar aghaidh iomchuí ar na gníomhaíochtaí sin leis na riachtanais atá ann cheana, agus prionsabal na comhréireachta á urramú ag an am céanna;
12. TÁ SÍ AG SÚIL le scrúdú a dhéanamh ar an togra reachtach atá le teacht i ndáil le creat Eorpach do bhannaí faoi chumhdach lena gcuirfí leis na réimis náisiúnta dea-fheidhmiúla agus lena n-aimseofaí an chothromaíocht cheart idir comhchuibhiú agus sainiúlachtaí náisiúnta;

13. IS DÍOL SÁSAIMH DI an gealltanais a thug an Coimisiún go gcuirfear timpeallacht rialála atá níos comhréirí ar fáil chun tacú le FBManna a liostáil ar na margaí poiblí; dá liostálfaí iad agus dá ndéanfaí gníomhaíochtaí neamhreachtach gaolmhara freisin, chuirfí forbairt ar mhargaí scairchaipitil na mBallstát uile chun cinn; CUIREANN SÍ I dTREIS mar thosaíocht ghinearálta bheartais an tábhacht a bhaineann le feabhas a chur ar fhaisnéis eacnamaíoch, gnó agus airgeadais, i ndáil le FBManna, a bheith ar fáil ar bhealach a bheadh éifeachtach ó thaobh costais de d'fhonn anailís fhónta chreidmheasa a dhéanamh. Bheadh an anailís sin ríthábhachtach chun méadú a chur ar fhoinsí maoinithe do gach FBM sna margaí poiblí agus príobháideacha; COMHAONTAÍONN SÍ, maidir le feabhas a chur ar fhaisnéis FBManna a bheith á gcur ar fáil ar bhealach a bheadh éifeachtach ó thaobh costais de, gur cheart an feabhas sin a shaothrú ar dtús trí thionscnaimh dheonacha san earnáil phríobháideach a fhorbairt tuilleadh agus, mura mbainfí an tairbhe as an gcur chuige seo a mbeifí ag súil leis, trí mhodhanna eile a úsáid a d'fhéadfadh a bheith ní b'éifeachtaí;
14. IS DÍOL SÁSAIMH DI an measúnú a dhéanfaidh an Coimisiún ar chreat ionchasach de chuid an Aontais i réimse na teicneolaíochta airgeadais, a bhunófaí ar a ngníomhaíochtaí seachas ar theicneolaíochtaí, chun leas a bhaint as an teicneolaíocht airgeadais chun roghanna, iomaíocht agus teacht ar mhaoiniú atá bunaithe ar mhargaí caipitil a mhéadú agus aghaidh á tabhairt ag an am céanna, ar bhealach éifeachtach ar aon rioscaí a d'fhéadfadh teacht chun cinn maidir leis an teicneolaíocht airgeadais;
15. TÁ SÍ AG SÚIL LE scrúdú a dhéanamh ar thionscnaimh ionchasacha ón gCoimisiún a eascraíonn as na moltaí a rinne an sainghrúpa ardleibhéil um maoiniú inbhuanaithe, agus tá sí ag súil leis na bearta a fógraíodh leis an athbhreithniú meántearma CMU mar bhonn chun ceannaireacht dhomhanda an Aontais a chothú maidir le forbairt inbhuanaithe;
16. TUGANN SÍ DÁ hAIRE na tionscnaimh ón gCoimisiún lena ndírítear ar an infheistíocht fhadtéarmach a chur chun cinn lena n-áirítear táirge pinsin pearsanta uile-Eorpach arna cheapadh go hiomchuí agus leasú ar an ngníomh tarmligthe Sócmhainneacht II agus lánurraim á tabhairt d'inniúlachtaí cánach na mBallstát;
17. TÁ SÍ AG SÚIL LE hobair a dhéanamh chun deireadh a chur le bacainní náisiúnta ar ghluaiseacht trasteorann caipitil nach bhfuil aon údar leo;
18. TUGANN SÍ DÁ hAIRE an moladh ón gCoimisiún go ndrúchtófaí teachtaireacht léirmhínteach maidir le rialacha reatha an Aontais i ndáil leis an gcaoi a ndéileáiltear le hinfeistíochtaí trasteorann de chuid an Aontais; SPREAGANN SÍ an Coimisiún measúnú a dhéanamh ar na roghanna atá ann i ndáil le creat nua-aimseartha Eorpach chun réiteach éifeachtach ceangailteach a fháil ar dhíospóidí infheistíochtaí;

19. IS DÍOL SÁSAIMH DI na tionscnaimh lena ndírítear ar threisiú a dhéanamh ar chumas na mbanc iasachtaí a thabhairt don gheilleagar, lena n-áirítear bearta chun tacú le margai tánaisteacha d'iasachtaí neamhthuillmheacha;
20. LEAGANN SÍ BÉIM ar a thábhachtaí atá sé feabhas a chur ar éifeachtúlacht mhargai airgeadais na hEorpa ar an iomlán, rud a chiallaíonn gur cheart an chothromaíocht cheart a bheith ann idir na rialacha comhchuibhithe agus an gá atá le freastal a dhéanamh ar thréithe na margai áitiúla agus réigiúnacha a bhaint amach agus caomhnú a dhéanamh ar na margai dea-fheidhmiúla;
21. IARRANN SÍ ar an gCoimisiún leanúint ar aghaidh leis an bplean gníomhaíochta maidir le haontas na margai caipitil mar a leasaíodh leis an athbhreithniú meántearma é chun go mbeidh na bloic thógála d'aontas na margai caipitil réidh faoi 2019, go háirithe trí na bearta a liostáiltear san Iarscríbhinn a ghabhann leis an athbhreithniú meántearma a dhéanamh agus lánurraim á tabhairt do phrionsabail na rialála níos fearr;
22. IARRANN SÍ ar an gCoimisiún leanúint de thuasarscáil ar an dul chun cinn a dhéantar a chur faoi bhráid na Comhairle, ar a laghad uair amháin gach sé mhí tríd an gCoiste um Sheirbhísí Airgeadais agus tríd an gCoiste Eacnamaíoch agus Airgeadais, lena gcuirfear measúnú ar fáil atá bunaithe ar fhianaise ar an dul chun cinn a dhéanfar ar an ullmhúchán d'Aontas na Margai Caipitil ar bhonn príomhtháscairí agus fianaise.